

220

Na osnovu člana 16. stav 1. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00, 7/05. i 4/06.), Vlada Zeničko-dobojskog kantona, na 22. sjednici, održanoj 28.06.2006. godine, d o n o s i

U R E D B U**o prestanku važenja Uredbe o utvrđivanju pravila disciplinske odgovornosti****Član 1.**

Prestaje da važi Uredba o utvrđivanju pravila disciplinske odgovornosti ("Službene novine Zeničko-dobojskog kantona", broj 9/04.).

Član 2.

Ova Uredba stupa na snagu narednog dana od dana objavljivanja u "Službenim novinama Zeničko-dobojskog kantona".

Broj: 02-34-14679/06

PREMIJER

Datum, 28.06.2006. godine *Miralem Galijašević, s.r.*
Zenica

221

Na osnovu člana 8. stav 2. Zakona o vraćanju, dodjeli i prodaji stanova ("Službene novine Federacije Bosne i Hercegovine", broj 28/05) i člana 16. stav 1. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00, 7/05. i 4/06.), Vlada Zeničko-dobojskog kantona, na 23. sjednici, održanoj 12.07.2006. godine, d o n o s i

U R E D B U**o utvrđivanju redoslijeda prioriteta za dodjelu stanova privatiziranih preduzeća ili preduzeća koja su prestala sa radom i brisana iz registra preduzeća****I. OPĆE ODREDBE****Član 1.**

(1) Ovom uredbom utvrđuje se redoslijed prioriteta za dodjelu stanova privatiziranih preduzeća ili preduzeća koja su prestala sa radom i brisana iz registra preduzeća, organ nadležan za dodjelu stanova, postupak dodjele stanova, uvjeti, način dodjele stanova i ostala pitanja od značaja za dodjelu stanova sukladno Zakonu o vraćanju, dodjeli i prodaji stanova ("Službene novine Federacije Bosne i Hercegovine", broj 28/05 - u daljem tekstu: Zakon).

(2) Ovu uredbu primjenjuju općine na području Zeničko-dobojskog kantona.

Član 2.

(1) Kao organ nadležan za dodjelu stanova preduzeća iz stava 1. člana 1. ove uredbe i obavljanje ostalih poslova utvrđuje se općinski organ uprave

nadležan za stambene poslove (u daljem tekstu: stambeni organ), sukladno Zakonu,

(2) Mjesna nadležnost stambenog organa utvrđuje se prema teritoriji općine na kojoj se nalazi stan.

II. ZNAČENJE POJEDINIH POJMOVA I RIJEČI**Član 3.**

Izrazi koji se koriste u ovoj uredbi imaju slijedeće značenje:

a) "stan privatiziranog preduzeća" označava stan, čiji je davalac na korištenje privatiziran ili preduzeće koje je prestalo sa radom i brisano iz registra preduzeća,

b) "privatizirano preduzeće" podrazumijeva se preduzeće - društvo za koje je uvjerenjem nadležne agencije za privatizaciju utvrđeno da je privatizirano", a za preduzeća koja su brisana nadležni sud.

c) "davalac stana na korištenje" podrazumijeva preduzeće, društveno-političke zajednice, druge organizacije i zajednice, koji imaju pravo davanja stana na korištenje, koje su kao investitori izgradili ili po drugom osnovu stekli,

d) "nosiocem stanarskog prava na stanu u privatnoj svojini" smatra se građanin koji je stanarsko pravo stekao na stanu u porodičnoj stambenoj zgradi, odnosno na posebnom dijelu zgrade u svojini, prije stupanja na snagu Zakona o stambenim odnosima ("Službeni list SR BiH", broj 13/74).

e) "socijalno ugroženo lice" je lice koje taj status dokazuje aktom nadležnog centra za socijalni rad, odnosno općinske službe,

f) "radnici davaoca stana na korištenje" smatraju se radnici zaposleni u preduzeću do privatizacije preduzeća.

III. REDOSLIJED PRIORITETA ZA DODJELU STANOVA**Član 4.**

Stanovima kojima u smislu člana 8. stav 2. Zakona raspolaže općina, dodjeljuju se prema slijedećem redoslijedu prioriteta:

- a) radnicima davaoca stana na korištenje,
- b) socijalno ugroženim licima,
- c) licima čije je pravo utvrđeno posebnim zakonom o restituciji i
- d) nosiocima stanarskog prava na stanovima u privatnom vlasništvu.

Član 5.

(1) Za lica iz člana 4. tačka a. ove uredbe stanovi se dodjeljuju po slijedećem prioritetu:

- a) porodicama radnika (davaoca stanova na korištenje) poginulih u odbrambeno-oslobodilačkom ratu,
- b) radnicima-ratnim vojnim invalidima i invalidima rada,

- c) radnicima demobiliziranim braniteljima,
- d) penzionisanim radnicima koji do dana stupanja na snagu Zakona nisu na drugi način riješili stambeno pitanje,
- e) deficitarnim kadrovima,
- f) ostalim radnicima koji do dana stupanja na snagu Zakona nisu na drugi način riješili stambeno pitanje.

(2) Od ukupnog broja raspoloživih stanova općine će najmanje 70% stanova dodijeliti kategorijama iz člana 4. tačka a. ove uredbe, a preostali dio raspoloživih stanova raspodjeljuje se na kategorije iz člana 4. tačka b, c. i d. ove uredbe.

IV. ORGANI, POSTUPAK I KRITERIJI ZA DODJELU STANOVA

Član 6.

(1) Općinski načelnik će odgovarajućim propisom odrediti kriterije, način bodovanja i pravljenja rang liste, raspisivanje oglasa za prikupljanje zahtjeva za raspodjelu stanova, te imenovati Komisiju za dodjelu stanova (u daljem tekstu Komisija) u roku od 30 dana od dana stupanja na snagu ove uredbe.

(2) U sastav Komisije ulazi predstavnik Saveza samostalnih sindikata BiH, Kantonalni odbor Zeničko-dobojskog kantona.

Član 7.

(1) Prilikom utvrđivanja kriterija i mjerila za dodjelu stana na korištenje uzima se u obzir stambena situacija, radni staž, radni doprinos, broj članova porodičnog domaćinstva kao i druge okolnosti koje su od značaja za rješavanje stambenih potreba kategorija iz člana 4. ove uredbe.

(2) Članovima porodičnog domaćinstva se smatraju lica u skladu sa članom 6. stav 2. Zakona o stambenim odnosima ("Službeni list SR BiH", broj 14/84, 12/87 i 36/89).

Član 8.

Raspodjela stanova vrši se na osnovu sljedećih kriterija:

- a) Osnovni kriteriji:
 - 1) porodice poginulih radnika u odbrambeno-oslobodilačkom ratu
 - 2) ratni vojni invalidi
 - 3) invalidi rada
 - 4) demobilisani borci iz Oružanih snaga Bosne i Hercegovine (AR BiH, HVO i MUP)
 - 5) penzionisani radnici koji do dana stupanja na snagu Zakona nisu na drugi način riješili stambeno pitanje
 - 6) deficitarni kadrovi
 - 7) stvarni uslovi stanovanja (postojeća stambena situacija)

b) Korektivni kriteriji:

- 1) broj članova domaćinstva
- 2) radni staž
- 3) zdravstveno stanje lica i članova njegovog domaćinstva.

Član 9.

(1) Komisija iz člana 6. ove uredbe raspisuje oglas za prikupljanje zahtjeva za rješavanje stambenih potreba lica iz člana 4. ove uredbe u skladu sa propisom iz stava 1. člana 6. ove uredbe i provodi kompletnu proceduru dodjele stana.

(2) Zahtjev iz prethodnog stava, lice iz člana 4. ove uredbe dostavlja Komisiji najkasnije petnaest (15) dana od dana objave oglasa.

(3) Uz prijavu na oglas lice je dužno dostaviti svu relevantnu dokumentaciju kojom dokazuje svojstvo lica koje ispunjava uvjete za dodjelu stana u skladu sa propisom iz člana 6. ove uredbe.

V. ZAVRŠNE ODREDBE

Član 10.

(1) Rješenje o dodjeli stana na korištenje donosi Općinski načelnik na prijedlog nadležne stručne službe, a na osnovu konačne rang liste za dodjelu stanova na korištenje.

(2) Protiv rješenja o dodjeli stana iz stava 1. ovog člana može se izjaviti žalba drugostepenoj komisiji obrazovanoj od strane Vlade Kantona.

Član 11.

Uredba stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 02-23-15480/06

PREMIJER

Datum, 28.06.2006. godine *Miralem Galijašević, s.r.*
Zenica

222

Na osnovu člana 41, stav 2. tačka 2) Zakona o namještenicima u organima državne službe u Federaciji Bosne i Hercegovine ("Službene novine Federacije Bosne i Hercegovine", broj 49/05) i člana 16. stav 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00, 7/05. i 4/06.), Vlada Zeničko-dobojskog kantona, na usaglašen prijedlog Ministrice za pravosuđe i upravu i Ministra finansija, na 23. sjednici, održanoj 12.07.2006. godine, d o n o s i

O D L U K U

O UTVRĐIVANJU PLATNIH RAZREDA I KOEFICIJENATA ZA PLAĆE NAMJEŠTENIKA U KANTONALNIM ORGANIMA DRŽAVNE SLUŽBE

I

Ovom odlukom utvrđuju se platni razredi i koeficijenti namještenika u kantonalnim organima državne službe u Zeničko-dobojskom kantonu.